

Nefndarálit

um frumvarp til laga um breytingu á lögum um málefni innflytjenda og lögum um vinnumarkaðsaðgerðir (sameining Vinnumálastofnunar og Fjölmenningsseturs, þjónustustöðvar).

Frá meiri hluta velferðarnefndar.

Nefndin hefur fjallað um málið og fengið á sinn fund Ástu Margréti Sigurðardóttur, Bjarnheiði Gautadóttur, Gissur Pétursson og Jón Þór Þorvaldsson frá félags- og vinnumarkaðsráðuneyti, Gísli Davíð Karlsson, Sverri B. Berndsen, Unni Sverrisdóttur og Vilmar Pétursson frá Vinnumálastofnun, Nichole Leigh Mosty frá Fjölmenningssetri, Örnú Láru Jónsdóttur og Margréti Geirsdóttur frá Ísafjarðarbæ, Atla Viðar Thorstensen og Nínu Helgadóttur frá Rauða krossinum, Aleksöndru Leonardsdóttur og Sögu Kjartansdóttur frá Alþýðusambandi Íslands og Margréti Steinarsdóttur frá Mannréttindaskrifstofu Íslands.

Nefndinni bárust umsagnir frá Alþýðusambandi Íslands, Bandalagi háskólanna, Mannréttindaskrifstofu Íslands, Reykjavíkurborg og Sveitarfélaginu Skagafirði.

Efni frumvarpsins.

Markmið frumvarpsins er að sameina alla þjónustu sem snýr að innflytjendum, flóttafólki og umsækjendum um alþjóðlega vernd hjá einni stofnun með það í huga að ná meiri skilvirkni en nú þykir vera í málaflokknum. Sameining Vinnumálastofnunar og Fjölmenningsseturs virðist best til þess fallin að uppfylla það markmið. Með sameiningunni munu innflytjendur, flóttafólk og umsækjendur um alþjóðlega vernd geta leitað á einn stað og sótt þar þá þjónustu sem þeim stendur til boða sem mun einfalda og auka skilvirkni samstarfs ríkis og sveitarfélaga í málaflokknum. Um leið og sameiningin fer fram verður starfsemi Fjölmenningsseturs í núverandi mynd felld niður og verður Vinnumálastofnun framkvæmdaraðili laga um málefni innflytjenda.

Umfjöllun meiri hlutans.

Meiri hlutinn tekur undir markmið frumvarpsins og leggur áherslu á að sameining stofnananna muni auka skilvirkni í málaflokknum. Meiri hlutinn vill sérstaklega benda á hversu mikilvægt hlutverk Fjölmenningsseturs hefur verið frá stofnun þess. Þá vill meiri hlutinn áréttá að hlutverk Fjölmenningsseturs er bundið í lög um málefni innflytjenda og að með frumvarpinu eru viðfangsefni þess ekki úr sögunni heldur munu verkefni Fjölmenningsseturs flytjast til Vinnumálastofnunar við sameininguna. Þá leggur meiri hlutinn áherslu á mikilvægi þess að sú reynsla og frumkvöðlavinna sem unnin hafi verið í Fjölmenningssetri undanfarin ár flytjist til Vinnumálastofnunar.

Í greinargerð með frumvarpinu kemur fram að athugasemdir hafi borist í samráðsgátt stjórnvalda við það að heiti Vinnumálastofnunar verði óbreytt við sameiningu stofnananna. Þau sjónarmið komu einnig fram við meðferð málsins í nefndinni. Þá kemur fram í greinargerð að á næstu misserum sé gert ráð fyrir að enn frekari breytingar verði á þeim verkefnum

sem falla undir málefna svið Vinnuálagstofnunar. Meiri hlutinn leggur ríka áherslu á að heiti sameinaðrar stofnunar verði endurskoðað svo að það endurspegli betur þau verkefni sem hún mun hafa með höndum ef frumvarp þetta verður að lögum. Núverandi heiti endurspeglar ekki nægilega vel þá breytingu á starfsemi stofnunarinnar sem felst í yfirfærslu lögbundinna verkefna Fjölmenningsseturs. Meiri hlutinn beinir því til ráðherra að breyta heiti stofnunarinnar til samræmis við nýtt hlutverk hennar.

Að framangreindu virtu leggur meiri hlutinn til að frumvarpið verði **samþykkt óbreytt**. Guðbrandur Einarsson, áheyrnarfulltrúi í nefndinni, lýsir sig samþykkan álitinu.

Alþingi, 27. mars 2023.

Líneik Anna Sævarsdóttir,
form.

Jódís Skúladóttir,
frsm.

Ásmundur Friðriksson.

Guðrún Hafsteinsdóttir.

Hafdís Hrönn Hafsteinsdóttir.

Óli Björn Káráson.